

REGIONAL NEWS UNIT
ALL INDIA RADIO, AGARTALA
Date: 12-08-2024
Time: 07:55-08:05 PM Hrs
BENGALI EVENING BULLETIN

Headlines :

- (১) ত্রিস্তর পঞ্চায়েত নির্বাচনের ভোট গণনা শান্তিপূর্ণভাবে চলছে ।
- (২) স্বাধীনতা দিবস উপলক্ষে আগামীকাল থেকে হর ঘর তিরঙ্গা কর্মসূচীর আওতায় তিনদিনব্যাপী জাতীয় পতাকা উত্তোলন কর্মসূচি শুরু হচ্ছে ।
- (৩) সরকার আজ প্রধানমন্ত্রী-সূর্য ঘর-মুফত বিজলি যোজনার অধীনে মডেল সোলার ভিলেজ বাস্তবায়নের জন্য কার্যকরী নির্দেশিকা জারি করেছে ।
- (৪) দেশ জুড়ে নেশা মুক্ত ভারত অভিযানের অধীনে মাদকের অপব্যবহারের বিরুদ্ধে আজ গণ শপথ গ্রহণ অনুষ্ঠানের আয়োজন করা হয় ।

Vote Counting :

ত্রিস্তর পঞ্চায়েত নির্বাচনের ভোট গণনা শান্তিপূর্ণভাবে চলছে। রাজ্য নির্বাচন কমিশনার শরদিন্দু চৌধুরী আজ আকাশবাণীকে জানান, বিভিন্ন ব্লকে ভোট গণনা শেষ হতে অনেক সময়

লাগবে। উল্লেখ্য আজ সকাল আটটা থেকে ৩৫টি ব্লকে ত্রিপুর পঞ্চায়েত নির্বাচনের ভোট গণনার কাজ শুরু হয়।

Result-Paschim Tripura ZP :

পশ্চিম ত্রিপুরা জিলা পরিষদের নির্বাচনে মোট ১৭টি আসনের মধ্যে সবকটিতেই বিজেপি প্রার্থীরা জয়লাভ করেছেন। এরমধ্যে ইতিপূর্বে ৩টি আসনে বিজেপি প্রার্থীরা বিনা প্রতিদ্বন্দ্বিতায় জয়লাভ করেন। তারা হলেন খুশবু দেববর্মা (মহলানবিশ), মলয় লোধ ও সুজাতা সরকার। আজ বাকি ১৪টি আসনে ভোট গণনা শেষে জয়ী বিজেপি প্রার্থীরা হলেন শিলা দাস সেন, বিষ্ণুধন দাস, বলাই গোস্বামী, মিষ্টু সরকার, নিয়তি ভৌমিক, জয়লাল দাস, শিবায়ন দাস, মঞ্জু দাস, কামনা সরকার, কৃষ্ণজিৎ দাস, বিশ্বজিৎ শীল, মমতা দেব রায়, অবিলাশ দাস ও উত্তম দাস।

Result-Old Agartala :

পুরাতন আগরতলা ব্লকে জিলা পরিষদের তিনটি আসনে ভোট হয়েছিল। তিনটি আসনেই জয়লাভ করেন বিজেপি প্রার্থীরা। বিজয়ী প্রার্থীরা হলেন কামনা সরকার, কৃষ্ণজিত দাস ও বিশ্বজিৎ শীল।

Result of Rajnagar & Jolaibari :

রাজনগর ব্লকে জিলা পরিষদের চারটি আসনে বিজেপি প্রার্থীরা জয়লাভ করেছেন। দক্ষিণ রাজনগর গ্রাম পঞ্চায়েতের তিনটি

আসনে জয়ী হয়েছেন নির্দল প্রার্থীরা। জোলাইবাড়ি ব্লকের জিলা পরিষদের তিনটি আসন ও পঞ্চায়েত সমিতির ৫টি আসনে বিজেপি প্রার্থীরা জয়লাভ করেছেন।

Counting Votes-UNAKOTI :

উনকোটি জেলার গৌরনগর, চন্ডীপুর ও কুমারঘাট ব্লকের তিনটি গননা কেন্দ্রের চারটি হলে ভোটগননা করা হচ্ছে। উনকোটি জেলার জেলা নির্বাচন আধিকারিক তথা জেলা শাসক দিলীপ কুমার চাকমা জানান, ত্রি-স্তরীয় নিরাপত্তা বেষ্টিত মধ্য দিয়ে পঞ্চায়েত ভোটের গননাপর্ব চলছে।

উনকোটি জেলার চন্ডীপুর পঞ্চায়েত সমিতির নয়টি আসনে ভোট হয়েছিল। এরমধ্যে এখন পর্যন্ত ঘোষিত তিনটি আসনেই জয়ী হয়েছেন বিজেপি প্রার্থীরা। এঁরা হলেন, সাধাবি ওরাং, সত্যজিৎ দাস, মঞ্জু শুক্লবৈদ্য।

Counting-Sepahijala :

সিপাহীজলা জেলার ৬টি ব্লকের মধ্যে ৪টি ব্লকে ভোট গণনার কাজ শেষ হয়েছে। বিশালগড় ও কাঠালিয়া ব্লকে এখনো গণনার কাজ চলছে। চড়িলাম ব্লকে গ্রাম পঞ্চায়েতের ১২৯টি আসনের মধ্যে ১৩টি আসনে নির্বাচন হয়েছে। এর মধ্যে বিজেপি জয়ী হয়েছে ৭টি ও তিপ্রা মথা প্রার্থীরা ৬টি আসনে জয়ী হয়েছে। চড়িলামের পঞ্চায়েত সমিতির ১১টির সবকটি ও জিলা পরিষদের ২টির সবকটি আগেই বিনা প্রতিদন্দীতায় জয়ী হয়েছিল বি.জে.পি। মোহনভোগ ব্লকের গ্রাম পঞ্চায়েতের ১২৯টি আসনের

मध्ये निर्वाचन হয়েছে ২০টিতে। এর মধ্যে ১৭টি আসনে বি.জে.পি জয়ী হয়েছে। সি.পি.আই.এম ১টি আসনে ও নির্দল প্রার্থীরা ২টি আসনে জয়ী হয়েছে। মোহনভোগে পঞ্চায়েত সমিতির ৪টি আসনে ও জিলা পরিষদের ১টি আসনে বি.জে.পি প্রার্থীরা জয়লাভ করে। বক্সনগর ব্লকের গ্রাম পঞ্চায়েতে ২১১টি আসনে ও ১৩টি পঞ্চায়েত সমিতির আসনের সবকটিতেই আগেই বিজেপি প্রার্থীরা বিনা প্রতিদ্বন্দ্বিতায় জয়ী হন। এই ব্লকে নির্বাচন হয়েছে জিলা পরিষদের দুটি আসনে। এই দুটি আসনেই জয়লাভ করে বি.জে.পি। নলছড় ব্লকে জিলা পরিষদের ১টি আসনের জয়ী হন বি.জে.পি প্রার্থী। নলছড় ব্লকে গ্রাম পঞ্চায়েত ও পঞ্চায়েত সমিতির সবগুলি আসনে বিনা প্রতিদ্বন্দ্বিতায় আগেই জয়ী হয়েছিল বি.জে.পি।

Result-Ambassa :

আমবাসা ব্লকে পঞ্চায়েত সমিতির ৬টি আসনে ভোট গ্রহণ করা হয়। ৪টি আসনে বিজেপি এবং ২টি আসনে সিপিআইএম জয়লাভ করেছেন। আমবাসা ব্লকে গ্রাম পঞ্চায়েতের মোট ৪১টি আসনে ভোট গ্রহণ করা হয়। গণনা শেষে ২৯টি আসনে বিজেপি, ৮টি আসনে সিপিআইএম ও ৪টি আসনে তিপরা মথার প্রার্থীদের জয়ী বলে ঘোষণা করা হয়।

Result-Bamutia :

বামুটিয়া ব্লকে জিলা পরিষদের ৩টি আসনে নির্বাচন অনুষ্ঠিত হয়। ৩টি আসনেই বিজেপি প্রার্থী জয়লাভ করেন। এই ব্লকে

গ্রাম পঞ্চায়েতের ২টি আসনে নির্বাচন অনুষ্ঠিত হয়। ২টি আসনেই জয়লাভ করে বিজেপি।

Result-Bokafa :

বকাফা ব্লকে পঞ্চায়েত সমিতির ১টি আসনের নির্বাচনে বিজেপি জয়লাভ করে। তাছাড়া গ্রাম পঞ্চায়েতের ৮টি আসনের মধ্যে ৮টি আসনেই জয়লাভ করে বিজেপি।

Result-Durga Chowmuhani & Salema :

দূর্গা চৌমুহনী ব্লকে জিলা পরিষদের ২টি আসনে ভোট গ্রহণ করা হয়। এই ২টি আসনেই বিজেপি প্রার্থীরা জয়ী হন।

সালেমা ব্লকে জিলা পরিষদের ১টি আসন ও পঞ্চায়েত সমিতির ১টি আসনের নির্বাচনে বিজেপি প্রার্থীরা জয়লাভ করেন। সালেমা ব্লকে গ্রাম পঞ্চায়েতের ৯টি আসনের মধ্যে ৬টি আসনে বিজেপি ও ৩টি আসনে তিপরা মথার প্রার্থীরা জয়লাভ করে।

Result-Tepania & Poangbari :

তেপানিয়া ব্লকে জিলা পরিষদের ৪টি আসনে বিজেপি প্রার্থীরা জয়লাভ করে। তাছাড়া পোয়াংবাড়ি ব্লকে গ্রাম পঞ্চায়েতের ৩টি আসনে বিজেপি প্রার্থী জয়লাভ করেছেন।

HAR GHAR TIRANGA-Flag :

স্বাধীনতা দিবস উপলক্ষে আগামীকাল থেকে হর ঘর তিরঙ্গা কর্মসূচীর আওতায় ১৫ই আগস্ট পর্যন্ত জাতীয় পতাকা উত্তোলন কর্মসূচি শুরু হচ্ছে। সরকারী বেসরকারী প্রতিষ্ঠান, বিদ্যালয়, মহাবিদ্যালয় ইত্যাদি ছাড়াও জনগণকে এই তিনদিন নিজ নিজ বাড়িতে জাতীয় পতাকা উত্তোলনের আহ্বান জানানো হয়েছে। আগামীকাল থেকে রাজ্যের বিভিন্ন জায়গায় তিরঙ্গা সেলফি পয়েন্ট খোলা হবে। সেলফিতে তোলা ফটোগুলি হর ঘর তিরঙ্গা ডট কম ওয়েবসাইটে আপলোড করা যাবে।

PM-Surya :

সরকার আজ প্রধানমন্ত্রী-সূর্য ঘর-মুক্ত বিজলি যোজনার অধীনে মডেল সোলার ভিলেজ বাস্তবায়নের জন্য কার্যকরী নির্দেশিকা জারি করেছে। নতুন এবং পুনর্নবীকরণযোগ্য শক্তি মন্ত্রক একটি বিবৃতিতে বলেছে যে এই প্রকল্পের অধীনে সারা দেশে প্রতি জেলায় একটি মডেল সোলার ভিলেজ তৈরির উপর জোর দেওয়া হয়েছে। মন্ত্রক বলেছে যে এর জন্য মোট ৮০০ কোটি টাকা বরাদ্দ করা হয়েছে, নির্বাচিত মডেল সোলার ভিলেজ প্রতি ১ কোটি টাকা করে ধার্য করা হয়েছে। এতে বলা হয়েছে যে এই প্রকল্পের অধীনে আনার জন্য, গ্রামটিকে অবশ্যই একটি রাজস্ব গ্রাম হতে হবে যার জনসংখ্যা ৫ হাজার বা বিশেষ শ্রেণীর রাজ্যগুলির জন্য ২ হাজারের এর বেশি হতে হবে।

Nesha Mukta Bharat :

সামাজিক ন্যায়বিচার ও ক্ষমতায়ন মন্ত্রক আজ দেশ জুড়ে নেশা মুক্ত ভারত অভিযানের অধীনে মাদকের অপব্যবহারের বিরুদ্ধে একটি গণ শপথ গ্রহণ অনুষ্ঠানের আয়োজন করেছে। কেন্দ্রীয় সামাজিক ন্যায়বিচার ও ক্ষমতায়ন মন্ত্রী ডঃ বীরেন্দ্র কুমার আজ নতুনদিল্লিতে শপথবাক্য পাঠ করান। এ বছরের ভাবনা হল "ভিক্ষিত ভারত কা মন্ত্র, ভারত হো নেশে সে স্বতন্ত্র" অর্থাৎ "বিকশিত ভারতের মন্ত্র, নেশা মুক্ত ভারত"।

Nesha Mukt Bharat-KAILASHAHAR :

নেশামুক্ত ভারত অভিযান এর অন্তর্গত এক সচেতনতামূলক কর্মসূচি আজ কৈলাশহরে অনুষ্ঠিত হয়। কৈলাশহরের নেতাজি বিদ্যাপীঠ ইংরেজি মাধ্যম বিদ্যালয়ে আয়োজিত এই কর্মসূচিতে উপস্থিত ছিলেন, ঊনকোটি জেলার জেলা শাসক দিলীপ কুমার চাকমা, অতিরিক্ত জেলা শাসক এল, দারলং, বিদ্যালয়ের অধ্যক্ষ অসিত দত্ত প্রমুখ। এখানে নেশার বিরুদ্ধে ও নেশামুক্ত ভারত গঠনের জন্য উপস্থিত ছাত্র-ছাত্রী সহ অংশগ্রহণকারীদের শপথবাক্য পাঠ করান জেলা শাসক দিলীপ কুমার চাকমা।

আজকের কর্মসূচিতে জেলা শাসক দিলীপ কুমার চাকমা বলেন, বিকশিত ভারতের জন্য নেশামুক্ত ভারত গঠনে সকলকে ঐক্যবদ্ধভাবে এগিয়ে আসতে হবে।

CM :

মুখ্যমন্ত্রী অধ্যাপক ডঃ মানিক সাহা আজ বিজেপির টাউন বড়দোয়ালি মন্ডলের উদ্যোগে আয়োজিত হর ঘর তিরঙ্গা

কর্মসূচিতে অংশ নেন। আজ বটতলা বাজার সংলগ্ন শিব মন্দিরে স্বচ্ছ ভারত অভিযান করা হয়। উপস্থিত ছিলেন আগরতলার পুর মেয়র তথা বিধায়ক দীপক মজুমদার, কর্পোরেটর রত্না দত্ত প্রমুখ। মুখ্যমন্ত্রী স্বচ্ছ পরিবেশের মধ্যে নিজেদের অর্জিত স্বাধীনতা উদযাপন করার উপর জোর দেন।

Har Ghar Tiranga :

স্বাধীনতা দিবস উদযাপন উপলক্ষে হর ঘর তিরঙ্গা অভিযানের অঙ্গ হিসেবে রাজ্যে আজ বিভিন্ন জেলায় পদযাত্রার আয়োজন করা হয়। আগরতলায় আজ সকালে উমাকান্ত একাডেমি প্রাঙ্গন থেকে যুব কর্মসূচী ও ক্রীড়া দপ্তরের উদ্যোগে আয়োজিত পদযাত্রার সূচনা করেন যুব কর্মসূচী ও ক্রীড়া সচিব ড: প্রদীপ চক্রবর্তী। শোভাযাত্রায় বিভিন্ন বিদ্যালয়, মহাবিদ্যালয়ের ছাত্র ছাত্রী, এন এস এস ইউনিটের স্বেচ্ছাসেবকরা অংশ গ্রহণ করেন। পদযাত্রায় অংশগ্রহণকারী প্রত্যেকের হাতে হাতে ছিল তিরঙ্গা জাতীয় পতাকা। সচিব ড: চক্রবর্তী হর ঘর তিরঙ্গা কর্মসূচীতে সামিল হওয়ার জন্য রাজ্যবাসীর প্রতি আহ্বান জানান। অনুষ্ঠানে অন্যান্যদের মধ্যে উপস্থিত ছিলেন, ক্রীড়া দপ্তরের অধিকর্তা সত্যব্রত নাথ, উপঅধিকর্তা প্রবাল কান্তি দেব প্রমুখ।

Har Ghar Tiranga-Gomati :

হর ঘর তিরঙ্গা কর্মসূচির অঙ্গ হিসাবে যুব মোর্চার উদ্যোগে আজ উদয়পুরে তিরঙ্গা বাইক রেলি করা হয়। এই কর্মসূচীতে উপস্থিত ছিলেন অর্থমন্ত্রী প্রণজিৎ সিংহ রায়, যুব মোর্চার প্রদেশ সভাপতি

তথা বিধায়ক সুশান্ত দেব, বিধায়ক অভিষেক দেবরায়, আর কে পুর মন্ডল সভাপতি প্রবীর দাস, আর কে পুর যুব মোর্চার সভাপতি সুকান্ত সাহা প্রমুখ। মিছিলটি উদয়পুর শহরের বিভিন্ন পথ পরিক্রমা করে।

Jishnu Debbarma :

তেলেঙ্গানার রাজ্যপাল জিষ্ণু দেববর্মাকে আজ সুর্যমনিগর মন্ডলের পক্ষ থেকে নাগরিক সংবর্ধনা দেওয়া হয়। অনুষ্ঠানে মুখ্যমন্ত্রী অধ্যাপক ডঃ মানিক সাহা এবং বিধানসভার উপাধ্যক্ষ রামপ্রসাদ পাল জিষ্ণু দেববর্মার হাতে শুভেচ্ছা স্মারক ও মানপত্র তুলে দেন। অনুষ্ঠানে মুখ্যমন্ত্রী বলেন, জিষ্ণু দেববর্মার তেলেঙ্গানার রাজ্যপাল হিসেবে নিযুক্তি রাজ্যের জনগণের কাছে অত্যন্ত গৌরবের বিষয়।

রাজ্যপাল জিষ্ণু দেববর্মা বলেন, নাগরিক সংবর্ধনা পেয়ে তিনি গর্বিত।

HGT, J & K :

জম্মু ও কাশ্মীরের উপ-রাজ্যপাল মনোজ সিনহা আজ সকালে শ্রীনগরে তিরঙ্গা যাত্রার নেতৃত্ব দেন। এই তিরঙ্গা যাত্রায় জনপ্রতিনিধি বিভিন্ন দপ্তরের অধিকারিকগণ এবং হাজার হাজার জনগন যোগদান করেন। অনুষ্ঠানে উপরাজ্যপাল বলেন জম্মু কাশ্মীরে হর ঘর তিরঙ্গা অভিযান জনআন্দোলনে পরিণত হয়েছে। তিনি সবাইকে হর ঘর তিরঙ্গা অভিযানে সামিল হবার আহ্বান জানান। তিনি জম্মু কাশ্মীরের শহীদ এবং বীরদের উদ্দেশ্যে একটি

গ্রন্থ উৎসর্গ করেন। প্রধানমন্ত্রী নরেন্দ্র মোদি আজ বলেছেন যে জম্মু ও কাশ্মীরের জনগণের তিরঙ্গা যাত্রা অনুপ্রেরণাদায়ক। হর ঘর তিরঙ্গা অভিযানের প্রচারের জন্য জম্মু ও কাশ্মীরের লেফটেন্যান্ট গভর্নর মনোজ সিনহার উদ্যোগের প্রশংসা করেন প্রধানমন্ত্রী।

SFI :

ভারতের ছাত্র ফেডারেশন রাজ্য কমিটির উদ্যোগে আজ সংঘটিত ছাত্র আন্দোলনের ৮৯তম দিবস পালন করা হয়। এই উপলক্ষে আজ মেলার মাঠ ছাত্র-যুব ভবনে আয়োজিত অনুষ্ঠানে সংগঠনের পতাকা উত্তোলন করা হয়। পরে স্বাধীনতা আন্দোলনে ছাত্রসমাজের ভূমিকা ও আজকের দিনের তাৎপর্য নিয়ে বক্তব্য রাখেন ভারতের ছাত্র ফেডারেশন রাজ্য কমিটির সম্পাদক সন্দীপন দেব।

Programme-Independence Day :

আগরতলা পুর নিগমের মেয়র দীপক মজুমদার জানিয়েছেন স্বাধীনতা দিবস ও ক্লাবের প্রতিষ্ঠা দিবস উপলক্ষ্যে আগামী ১৫ই আগস্ট বিভিন্ন সামাজিক কর্মসূচি হাতে নিয়েছে রাজ্যের ঐতিহ্যবাহী সংহতি ক্লাব। আজ ক্লাবে এক সাংবাদিক সম্মেলনে একথা জানিয়ে শ্রী মজুমদার বলেন, স্বাধীনতা দিবসের দিন সকালে ক্লাবের পূজা প্রাঙ্গণে রক্তদান শিবির, মরনোত্তর দেহদান, মর মরনোত্তর চক্ষুদান ও আধার নিবন্ধিকরণ শিবির অনুষ্ঠিত

হবে। প্রধান অতিথি ও উদ্বোধক হিসেবে উপস্থিত থাকবেন মুখ্যমন্ত্রী অধ্যাপক ডাঃ মানিক সাহা।

Khumulung Football :

খুমলুঙে আয়োজিত মহারাজা বীরবিক্রম স্মৃতি ফুটবল প্রতিযোগিতায় সেমিফাইনালে উঠল নাইকল নাই ক্লাব। আজ কোয়ার্টার ফাইনালে নাইকলনাই দল ২-০ গোলে ডনবসকো স্কুলকে পরাজিত করেছে।

Weather :

আগামী ২৪ ঘন্টায় রাজ্যের খোয়াই এবং উত্তর জেলায় বিক্ষিপ্তভাবে ভারী বর্ষণের সতর্কতা জারি করেছে আবহাওয়া দপ্তর। অন্যান্য বাকি জেলাগুলিতেও বজ্রবিদ্যুৎ সহ বৃষ্টিপাতের সতর্কতা জারি করা হয়েছে। আগামীকাল আকাশ সাধারণত মেঘাচ্ছন্ন থাকবে। আগামীকাল তাপমাত্রা সর্বোচ্চ ৩৩ ডিগ্রি সেলসিয়াস এবং সর্বনিম্ন ২৫ ডিগ্রি সেলসিয়াসের কাছাকাছি থাকবে। আজ দিনের সর্বোচ্চ তাপমাত্রা ছিল ৩৩ দশমিক ৮ ডিগ্রি সেলসিয়াস সর্বনিম্ন ২৭ ডিগ্রি সেলসিয়াস।
